

岐山縣志

一
函
四
冊
函

岐山縣志卷之四

邑令灌江胡昇猷重修

邑人張殿元編次

田賦

國有常賦民有常輸此定制也調劑均平上下兩益是在上人之加意岐山自順治厯乾隆迄今田賦優免較多他邑而戶口愈日以衆爲之牧者苟不念

朝廷簡賦輕徭與民休息之意安保民生之不蹙乎况水旱頻

遭捻徇疊擾更當撫摩噢咻保如赤子邇來耕者盡力土

壤膏腴敝者安全閭閻樂業不審經界焉識版章不考生

成安知蕃庶故先覈田畝實數詳紀成篇

軍田民田分志

戶口賦

稅之屬亦附志焉

民田

稻田二等旱田
四等凡六等

原額地六千八百九十六頃六畝六分一釐三毫

每畝起
科不等

內除歷年奉支豁免地二千八百四十二頃六十四畝六

分五毫九絲外今實熟地四千五十三頃四十二畝七毫

一絲共額徵夏秋糧一萬七千八百四十六石八斗七升

七合一勺

每石連丁口均徭停免課程共
折徵銀一兩六錢六分有奇

共折徵銀二萬

九千四百三十六兩七分五釐

遇閏加銀二百二十
二兩二錢八分八釐

戶口軍民匠

今共二萬六千七十一戶男女大小今共一十四萬七千

二百四十六口

民丁

原額三門九則共折下下丁三萬九千六百一十九丁除
節次優免後照糧通額共折下下丁三萬二千六百一丁
徵銀三千六百五十五兩六錢四分一釐丁冊定爲常例
永不加賦

均徭徵銀一千二百四十一兩九錢四分一釐

額外停免並匠價共徵銀一百八十一兩四錢八分八毫
額外課程徵銀二十一兩五分五釐九毫三絲

遇閏加銀一兩七錢

五分四釐零

民糧以上各項每年連正賦共徵銀二萬九千四百三十六兩七分五釐內解藩庫起運銀二萬四千五百一十六兩六錢六分八釐遇閏加增銀九十五兩二錢四分一釐存留銀四千九百一十九兩四錢七釐遇閏加銀一百二十七兩四分七釐解藩庫存留銀一千一百四十五兩一錢二分二釐留縣自支銀三千七百七十四兩二錢八分五釐係支本縣壇廟祭祀官師俸薪廩膳夫役工食孤貧口糧等項

鹽課

岐山自明萬厯時食靈州花馬池鹽民販民消認輸河東運司額引二千九百九十七道每年按糧攤徵引課及平餘紙價銀共一千二百三十二兩六錢五分六釐解交河

東鹽運司今改解藩庫

雜稅

契稅牙當牲
畜磨課等類

共徵銀二百一十二兩八錢七釐

遇閏加增
解藩庫

軍田

高下不等有衛所更名之別衛所田始雍正四年更名田原名主田乾隆十二年改為更名田

衛田

原額接收西安右中前後四衛官水田一十五畝

每畝科
本色稻

米八升丁條銀一釐七毫
馬銀一釐草銀二釐四毫

官旱田二十二頃九十九畝五

分七釐三毫

每畝科本色糧六升折色糧二升折布銀四釐二毫丁條銀一釐七毫馬銀一釐草銀二

釐四毫

軍水田三頃三畝五分

每畝科稻米六升丁條銀一釐七毫馬銀一釐草銀一釐

八毫軍旱田六百九十五頃四十二畝二分五釐八毫二絲

每畝科本色糧四升折色糧二升折布銀四釐二毫丁條銀一釐七毫馬銀一釐草銀一釐八毫軍下減

征田九十畝二分六釐

每畝科折色糧六升折布銀一分二釐六毫丁條銀一釐七毫馬銀

一釐草銀一釐八毫

官廳田一十一畝六釐六毫

每畝科本色小麥三斗丁條銀一釐

七毫馬銀一釐草銀一釐八毫

共地七百二十二頃六十一畝六分五釐

七毫二絲

共額本色糧四千三百八十四石六斗四升六合七勺三抄二撮折布銀三百二兩八錢七分

二釐九毫六絲七忽四纖丁條馬草銀三百二十六兩五錢六分六釐二毫一忽二微

內有改隸他

邑及山水衝決豁免之地又有接收他邑及歷年開墾之

地今共實熟地五百八十六頃四釐四毫二絲共該本色

糧二千三百七十四石七斗六升一合三勺八抄八撮內

除暫留屯軍七名兌食糧二十八石實徵本色糧二千三

百四十六石七斗六升一合三勺八抄八撮折布丁條馬
草均丁銀六百三十三兩八錢四分三釐零

所田

原額接收鳳翔所官屯田三頃三十二畝八分九釐

每畝
科米

麥豆
八升

軍屯田二百五十八頃八十三畝五分五釐

每畝
科米
麥豆

五升八
合五勺

共地二百六十二頃一十六畝三分九釐五毫

額
本

色糧一千四十
一石五升九勺

內亦有改隸他邑及開墾接收之地今共

實熟地二百一十四頃十七畝九分七釐六毫零額徵本

色糧一千二百八十石五斗五升四合九勺二抄零內除

摘徵折色糧六十四石三斗二升六合一勺九抄七撮零

實徵本色糧一千二百一十六石二斗二升八合七勺二

抄零折色均丁銀一百二十兩六釐

更名田

原額接收乾州二等旱田一頃一十四畝四分五釐

每畝科小

麥一升九合二勺二抄粟米一升九合九勺二抄

武功一等旱田一頃五十四畝

八分二釐二毫

每畝科徵折色銀五釐八毫六絲小麥二升一合六勺四

抄

二等旱田一頃三十六畝

每畝科小麥一升粟米一升

共地四頃五

畝二分七釐二毫額徵本色糧一十三石九斗八升三勺

八抄四撮一圭六粟實徵折色均丁銀一兩五錢八分三

毫三絲二忽零

軍丁

照糧通額衛所實折下下丁二千五百六十九丁徵銀一

百九十兩二錢七分四釐零

卽衛所田內之均丁銀

更名丁賦役全

書不詳其數僅徵銀六錢七分三釐零

卽更名田內之均丁銀

凡軍

民丁自康熙五十年丁冊定爲常額永不加賦

軍糧

衛所更名三宗實徵糧三千五百四十八石九斗七升四

勺零

遇閏如夏秋季加增糧三十三石三斗若春冬季又加料一十石八斗

內除留徵縣倉

糧六百六十四石二升

供支岐扶二汛兵食

實交道倉糧二千八百

八十四石九斗五升四勺雍正九年奉文每石折銀一兩

解交糧道庫

額徵起運屯地丁銀七百五十五兩四錢二分九釐

交藩庫遇

閏加增銀一兩五錢三分三釐

贍學田七十畝明萬曆二十四年提學沈季文置

俱係一等地每

年取夏秋麥穀共三十五石散給廩生貧士坐落四至詳載明倫堂西碑

岐山縣志卷之四終

岐山縣志卷之五

邑令灌江胡昇猷重修

邑人張殿元編次

官師

周禮云惟王建國辨方正位體國經野設官分職以爲民極自秦改封建爲郡縣後代因之郡有守州有牧縣有令是官師之名所由起而官師之設所以守土而治其貢賦司其風化也岐之爲縣始於隋繼於唐唐迄元明官制代有沿革任官者多佚遺無考今第就舊志所載列於官師冠以官制終以風俗官箴教養之無慚是又所望於後之官師也

官制

唐置令丞簿尉各一員宋置知縣丞簿尉各一員元置達

魯花赤一員尹一員主簿縣尉典史各一員教諭一員明

置知縣縣丞

舊志云明季裁

主簿典史驛丞各一員教諭一員訓

導二員

明嘉靖時裁一員

國朝仍設知縣一員主簿一員

順治三年裁

典史一員驛丞一員

順治

八年

教諭訓導各一員

附學額廩膳生二十名增廣生二十名附學生無額數每歲試入學

後裁十五名科試如之撥入府學無定額武生

把總一員

知縣

唐

李禱宗室任岐陽令韋奉先岐山令

二人見府志

林逢吉岐山

令

見唐譚用之詩詩載藝文

宋

李宗大梁人舉進士由鄆簿陞岐山知縣有政聲後知慶

陽府何倫元祐五年任李授八年任

金

烏林答泰和五年任烏論古興定二年以昭勇將軍任吏

屹答三年任李守節安定人四年任時有道士市周公廟

爲道宮守節正其罪復贍學田十餘頃後陞御史

錄事游淑有記

載藝文

張哀山陽人五年任重修周公廟

元

劉楨延川人至元十三年任勸農桑修學校卓有政績賜

緋同進士出身強公浹十九年任

舊志未載見潤德泉復出碑

祝嚴二

十七年任重修夏禹廟張蕩古二十八年任重修廟學政

績亦著鄭火力解延祐六年任重修廟學顏英至治二年

任竇思永任本縣縣尹

舊志年分缺

陳安義安樂縣人泰定四

年任重修縣治竇本至正六年任張謙叔十二年任征紐

林至正間以敦武校尉任李松年至正間任加海後至元

二年任達魯花赤兀馬沙十九年任達魯花赤伯顏帖木

兒至正十二年任達魯花赤置贍學田七頃八十餘畝

碑記

在文廟內黑的兒泰定四年任達魯花赤衆家奴泰定間任達

魯花赤

明

洪武年間李本初四年任招撫人民建立公署徐仁四川

金堂人以人材舉爲知縣張璣山西文水人

舊志未詳

傅濟四

川崇慶州舉人蒞岐九年政治平易

正統年間王澤河南汝州進士四年任治岐九年陞太僕

寺丞至湖廣漢陽知府

見省志名宦

景泰年間張緒宗順天固安人六年由監生任興舉廢墜

牧愛有守今祀名宦祠楊遠直隸深州舉人蒞岐六年政

治平易

年失考
依舊志

成化年間王端山西潞州舉人二年任治岐九年平易近

民陞行太僕寺丞劉浩山東陵縣監生爲政剛果孟洵直

隸元城舉人政尙寬惠民多追思張廉山西大同舉人楊

志直隸棗強舉人政治平易張雲鵬籍失考

宏治年間榮節河南省遂平進士四年任廉勤有爲政教

兼舉多所建置蒞岐五年陞戶部主事至青州知府省志

載入名宦江玠四川巴縣進士十三年任歷陞陝西副使

至叅政

省志載
入名宦

正德年間蘇霖直隸平鄉舉人元年任李九疇山西靜樂